

J E Z U Z   H A   ß R E I Z

KANTIK NEVE  
ITRON VARIA AR C'HALVAR

War don : *Bosen Elliant.*

D I S K A N .

*Itron Varia ar C'halvar,  
O Mamm Jezuz, Mamm a c'hlac'har,  
Gouennet evid-on pardon :  
C'houi zo ma Mamm ha ma Itron.*

Evid-on-me ec'h eo maro  
Jezuz, ho Mab, ha ma Otto,  
Evid ar pec'her paour, allaz !  
Eo maro Jezuz war ar groaz.

O mene Kalvar, war-n-out te,  
Me garfe bean noz ha de,  
Me garfe bean gant Mari,  
O sonjal enn he foanio kri !

Gand skourjeo eo dispennet  
Kaeran Mab a zo bet ganet :  
Pebez kalonad 'vit Mari !  
Jezuz n'eo ken 'met eur gouli.

Roue ann Ee hag ann douar  
En euz eur gurunen dispar,  
Eur gurunen spern war he benn !  
Evid he Vamm pebez anken !

War hent ar C'halvar e kavann  
He Vamm-Gwerc'hez, ha hi 'welan :  
C'hoant poket d'he Mab e deuz c'hoaz  
Arog ma varvo war he groaz.

Hag ar Judevien a lere  
Da Vamm Jezuz pe dostee :  
« *Pera t'euz-te da glask aman*  
« *Gand eunn torfetour ar brasan ?* »

Ha war Jezuz ho deuz boutet,  
Hag he Vamm baour zo argaset :  
N'allo ket laret kenavo  
D'he Mab Jezuz rog he varo !

War ar C'halvar e wele c'hoaz :  
Allaz ! he Mab a zo enn noaz,  
ENN noaz war ar groaz astennet,  
He dreid hag he daouarn tachet.

Zao enn ez sao, Kroaz ma Zalver,  
Ma vi gwelet gant ar pec'her ;  
Zao enn ez sao 'vit ma welo  
Pera 'n euz groet he bec'hejo !

O ! peger kaer, Mamm binniget,  
O ! peger kaer 'oa ho kwelet,  
Ha c'houi o welan truezuz  
'Nn ho sao enn kichen kroaz Jezuz !

Jezuz d'he Vamm en euz laret :  
« *Ma Mammik paour, ne welet ket,*  
« *Ma Mammik paour, ne welet ken :*  
« *Beet sonj euz ar bec'herien !*

« *C'houi 'oar perak ec'h onn aman,*  
« *C'houi 'oar evit piou e varvann...*  
« *Ma Mammik paour, ne welet ken,*  
« *Ha beet Mamm d'ar bec'herien ! »*

Me ho salud, Gwerc'hez Vari,  
O ma Mamm vad, mar zo hini !  
Ho Mab Jezuz dre he varo  
'Neuz digoret dor ann Envo.

Kri ve ar galon ne frailje  
O welet Mari d'abarde,  
He Mab war he barlen gant-hi  
Ha hi 'poket d'ar pemp gouli.

Hec'h ine paour war benn neuze  
A oa treuzet gant seiz kleve...  
O ! nann, biskoaz war ann douar  
Ne oe gwelet brasoc'h glac'har !

War ar C'halvar me dei bemde  
D'ho saluti, Mamm a d'ruer;  
ENN kichen ar Vamm e karann  
Me 'deio bemde da welan.

Ne welet ken 'ta, mè 'welo,  
Pe 'n onn me keriek d'ho poanio,  
Ne welet ken d'ho Mab Jezuz,  
Me 'welo d'ehan truezuz.

Kalz 'so allaz ! ne welont ket,  
Ha braz 'nn ho ine ar pec'het !  
Evit-he ive me 'welo  
M' ho devo keun d'ho fec'hejo.

Nemet glac'har liez n'eo ken  
War ann douar bue ann den,  
Nemet glac'har ha trubuillo  
Da c'hortoz devez ar maro.

Gant ma unanfet, ô Mamm vad,  
Ma foanio me gant re ho Mab,  
Me ne rinn van 'vit skuil daero,  
Hep dale enn Ee me 'gano !

KURE TROGERI.



Permetti a reomp moula ar c'hantik-man enn enor d'ann Itron-Vaia ar C'halvar.

*St-Brieg, 3 a viz Genver 1883,*

A. CHATTON, *vikel vraz.*